

www.e-rara.ch

Monomachia Davidis et Goliae & allegorica eiusdem expositio, heroico carmine descripta

Gwalther, Rudolf

Tiguri, [1541]

Zentralbibliothek Zürich

Shelf Mark: U 253,4

Persistent Link: <https://doi.org/10.3931/e-rara-667>

Monomachias Davidis et Goliae liber primus.

www.e-rara.ch

Die Plattform e-rara.ch macht die in Schweizer Bibliotheken vorhandenen Drucke online verfügbar. Das Spektrum reicht von Büchern über Karten bis zu illustrierten Materialien – von den Anfängen des Buchdrucks bis ins 20. Jahrhundert.

e-rara.ch provides online access to rare books available in Swiss libraries. The holdings extend from books and maps to illustrated material – from the beginnings of printing to the 20th century.

e-rara.ch met en ligne des reproductions numériques d'imprimés conservés dans les bibliothèques de Suisse. L'éventail va des livres aux documents iconographiques en passant par les cartes – des débuts de l'imprimerie jusqu'au 20e siècle.

e-rara.ch mette a disposizione in rete le edizioni antiche conservate nelle biblioteche svizzere. La collezione comprende libri, carte geografiche e materiale illustrato che risalgono agli inizi della tipografia fino ad arrivare al XX secolo.

Nutzungsbedingungen Dieses Digitalisat kann kostenfrei heruntergeladen werden. Die Lizenzierungsart und die Nutzungsbedingungen sind individuell zu jedem Dokument in den Titelinformationen angegeben. Für weitere Informationen siehe auch [Link]

Terms of Use This digital copy can be downloaded free of charge. The type of licensing and the terms of use are indicated in the title information for each document individually. For further information please refer to the terms of use on [Link]

Conditions d'utilisation Ce document numérique peut être téléchargé gratuitement. Son statut juridique et ses conditions d'utilisation sont précisés dans sa notice détaillée. Pour de plus amples informations, voir [Link]

Condizioni di utilizzo Questo documento può essere scaricato gratuitamente. Il tipo di licenza e le condizioni di utilizzo sono indicate nella notizia bibliografica del singolo documento. Per ulteriori informazioni vedi anche [Link]

MONOMACHIAS
DAVIDIS ET GOLIAE
Liber Primus.



EN S mēa lēta nouo uatum commo Propositiō:
ta furore
Aonias undas & amēnos flore uirenti
Parnasi uernos gestit cōscēdere colles,
Carminibusq; nouis paucis tentata priorum
Dicere: lessē iuuenilia prēlia uatis,
Altigradum ut uictrix illius dextra Gethēum
Vicerit & patriam pulchris adiuuerit ausis.

Christe decus uatum fœlici numine nostra
Pectora contingas, sacrum mihi funde liquorem,
Ut poſsim ſolito maiores pectoris aſtus
Te duce laurigero fœlici dicere Musa.

Ver erat & blandis Zephyris pallentia terræ
Frigora mutabant lētis ſuccēſibus annum:
Iam niue depulsa pratis fœcunda redibant
Gramina, iamq; nouis crepitabat frondibus arbor
Cum cupiunt lēti ſolitos renouare labores
Agricolæ duram ſcidentes uomere terram.
Nunc aliquis nigris commendat ſemina fulcis,
Ah miser hostili caſura hæc ſemina falce.
Deniq; quisq; ſuis intentus pectora curis
Inſtat & in longum ſpem campis educat annum:

B

MONOM. DAVIDIS

Cum subito exoritur crudeli gente Philisteus
Gens inimica Deis, immanis, perfida, fallax,
Luxuriosa, superba, minax, crudelis, iniqua,
Contemptrix superum, uenerandi nescia iuris
Nil nisi uicinos & amicos ladedere docta,
Quæ noua sperati conturbans gaudia ueris
Iruit & lato deuastans agmine campos
Iudaicos, anni spem primis perdit in herbis.
Iam calcata iacent dura perfoſſa colonum
Arua manu, prima segetes ſunt pabula equorum.
Agricolæ hostiles cernentes robore duro
Tam ſeuire manus, agris uilliſq; relictis
Tendentes tristes ad coeli numina palmas
Orant auxilium, trepidans tunc urbibus altis
Inuolat hostilem metuens gens rustica turbam.

Consilium proceres capiunt quos regia Sauli
Continet ut poſſint hostilia uiribus arma
Perdere & infaustum patriæ depellere cladem.
Quos inter Saulus princeps animosus & audax
In manibus uitam, ſpem uitæ ponit in armis,
Et certare manu uiresq; repellere per uim
Inſtituit fortis. Non hæc ſententia fati
Stabat, ut inſtructus telis aut milite fortis
Hostiles poſſet patriæ depellere turmas.
Quo ruis inſoelix? quis te furor improbus urget?
Quo properas Saul? ſiſte pedem non fortibus armis.

Mia

Milite nec lecto depelli hæc agmina campis
 Iudaicis poterunt, tuus hic armatus inermis
 Aufugiet miles, Non hunc qui uiribus isti
 Hosti præualeat tua regia continet alta,
 An nescis quod te reprobum fortissima fecit
 Quæ mare, quæ terras, quæ cœlum dextera terret?

1. Reg. 15:2

Quo feror? an possunt peruersi pectoris æstus
 Frangere ueridicæ uoces, uel uerba disertaæ
 Hic ruit ab proprijs immanem uiribus hostem
 Propulsare uolens figitq; patentia castra
 Oppositas lato peregrinas agmine turmas
 In Soccoth cernens et plenos milite montes.
 Sed quoties uoluit dextra tentare potenti
 Hostes, huic toties miles diffugit inermis
 Donec crudelem Goliam lessius Heros
 Vicit et hostili perfudit sanguine campum,
 Quem proprijs cæsum cognoscens hostis ab armis
 Territus exhibuit telis sua terga petenda.

Vt uero iuuenis manibus uictoria parta est,
 In patrias ædes insigni laude triumphans
 Iudeus redijt: Dauidem regia Sauli
 Accipit et merito iuuènem dignatur honore.
 Huius at interea fraternis laudibus actus
 Frater Samma patrem cupiens hilarare senecta
 Tardatum gelida patrias diuertit in ædes,
 Quem solum afficiens (cursu nam uicerat omnes

MONOM. DAVIDIS

Vt primus laudis fraternæ nuntius esset)
Iesse pater titubans affatur uoce senili.

Iesse ad
Samma
filium.

Dic mihi Sāma precor, quis te mīhi cursus anhelus
Affert? aut nobis quæ tristia nuntia portas?
An salui fratres alij, num saluus & ille est
David, languentis columnen spesq; una senectæ
Quem modo dimissis ouibus uos uisere iussi
Addens quæ forti ferrentur dona tribuno,
Dic mihi num ualeat: uel quis manet exitus illum?

Dixit & affectus male gratis tristia curis
Pectora sollicito consedit corpore, at illum
Vt paulum fessas uires animumq; recepit
Filius attonitum solatus talibus infit.

Samma
patri.

Non te cura pater teneat, non luctus inanis
Deuoret infirmo confectum corpore pectus.
Omnia salua tibi, salua est tua sola uoluptas
Dauides, & eximio cumulatus honore,
Egregia uictor ceu princeps laude triumphat.
Mira fero genitor, quæ uix qui uiderit ipse
Credere sustineat, quæ sit Dauidica uirtus
Mascula, quæq; modo iuuenilibus egerit annis.
O utinam digno possem sermone referre
Omnia, quo nati uirtutem discere posses.
Ah precor hæc aliquis nostræ clarissima gentis
Facta uelit scriptis alijs mandare legenda.
Nunc iacet infœlix sœua cum gente Philisteus

Et

Et nostræ perijst terræ immaniſſima pestis,
 Occubuere uiri qui nos sine fine nocendo
 Armigeris manibus campos uetuere paternos
 Excolere, ex uacuum fecerunt meſib⁹ annum.
 Sed ne longa nimis uerborum copia pectus
 Discendi teneat cupidum, nunc ordine cuncta
 Pandam, quæ domini uirtus, quæ robora fratriſ.

Vt primum placuit depellere fortibus armis
 Hostiles acies, proceres de gente supremos
 Elegit Saulus, qui inſtructi milite prompto
 Exciperent iunctis iniustum uiribus hostem.
 Praeconesq; citi totam uelociter oram
 Circuitu luſtrant cunctos ad bella uocando,
 Nec uox uana fuit, regis nam uoce uocantis
 Permoti ueniuunt quotquot florentibus annis
 Fortes hostili poterant ſe opponere dexteræ,
 Armatoq; nitent Solymorum milite muri.

Prima tribus uenit sancti fortissima Iudeæ
 Exhibuitq; feras præstanti corpore uires.
 Dux erat inſigni clarus uirtute uirorum
 Asada consilijs prudens ex robore fortis.
 Huic caput alticomum defendens ferrea caſſis
 Tollebat pictas ad lucida ſydera cristas,
 Atq; trilix auro compacta ex fortibus hamis
 Lorica egregium defendit tegmine tuto
 Corpus, crura ocreæ, atq; armilla brachia claudunt,

Narratio
Sammæ,

Iudas.

MONOM. DAVIDIS

Ast humero magnus dependens ensis in arcum
Falcatur curuum, fortem fera lancea dextram
Armat, & ingentem clipeum sua lœua tenebat,
Tergora quem tauri duris septemplicem in orbem
Includunt neruis, octaua at ferrea lucet
Lamnia, quam cingit purgati circulus æris.

Beniamin. Hinc uenit instructus telis & milite forti
Beniamin, haud uanos respirans pectoris æstus,
Ionathan his princeps Sauli fortissima proles,
Et uirtutis amans, quo non præstantior alter
Aut armis terrere uiros, aut promere doctum
Confilium uerbis. Dignus meliore parente.

Simeon.
Gen. 34. Hos Simeon sequitur ueteris non immemor aus
Quo Sichem cecidit uiolatæ ob stupra fororis.
Hos ducebat atrox immani pectore Ioram,
Qui primos ualidis armis transegerat annos.
Huic etenim genitor fuerat fortissimus heros
Tubalcan, quo non Iudeis fortior alter
Horrida bellaci poterat deducere dextra
Prælia, qui natum castris nutriuit, & armis
Instituit molles uti fulgentibus annos.

Ephraim.
His comes est ingens crudelibus Ephraim armis
Gens assueta truci semper pugnare duello.
Gens inimica doli, sed apertæ commoda pugnæ.
Phinees his princeps, dextram cui clava trinodis
Armat, panthere defendit pectora pellis.

Hinc

Hinc celer ad properat terra deductus & alto
 Asiduus Zabulon, pelago deducere classem
 Doctus & insanis immanes flatibus Euros
 Vincere, terrestri gens non incommoda pugna.
 Hos ducens Iosue ferrata casside crines
 Presserat, at leuum defendit parma lacertum.

Venit & insidijs aptus Dan fortis in armis
 Consilioq; potens, quorum dux sevus Iacob
 Callidus audaci scibat concurrere pugna,
 Corpore paruuus erat, sed mentis viribus audax
 Consilijs poterat multorum uincere uires.

Hinc coniuncta simul producunt agmina prompti Isachar,
 Isachar in castris ualidus, sed fortior armis
 Aser & audaci doctus concurrere pugna. Aser,
 Imperat his acer lucenti casside clarus
 Armipotens Iaphet, qui iam florentibus annis
 Prima exercebat uarij ludibria Martis:
 Illos insignis ionadab cui plurima rerum
 Cognitio circum spargebat tempora canos.
 Hic quamuis multis curis depresso & annis
 Eset & extreme sentiret tempora uitæ,
 Non tamen audaces posuit de pectora uires,
 Sed stabant ualide, coniunctaq; fortibus armis
 Ambitio etati semper cognata senili.
 Et quantum iuuenes præstabant robore, tantum
 Prudens ingenij iuuenilia pectora dote

MONOM. DAVIDIS

Manasses.
Ruben.
Gad.

Vincebat, quæ bellorum non infima laus est.
At postrema tribus Manassis maxima uenit
Et saeuus Ruben Gadei & militis arma
Hæc pugnare manu prompta & studiosa laborum
Gens tardata fuit, subito nam Iordanis ingens
Fluctibus altisonis surgens & gurgite rauco
Impediebat iter, quo uix superare furentis
Sæpius & cupidi spumania flumina possent.
Manassis populum uerbis præclarus & armis
Ducebat Manases, Gadeos inclytus Achor,
Sed Ruben loas bellis assuetus & armis.

Ast ubi collecto Solymorum milite portas
Ingressi fuerant omnes qui fortibus annis
Pro patria poterant ualidi pugnare salute,
Ingemuit tanco succumbens pondere tellus.
Hos citore Saulus (quoniam mora longa nocebat)
Conuocat ut doceat mores legesq; sequendas,
Quæ ratio castris, quæ sit lex optima pugnae.

Est locus extra urbem patulus, quo millia multæ
Conuenisse queant, audiens quem nullus aratro
Scindit, nec resecat curuata falce colonus,
Sunt frutices rari, nec surgit collibus altis.
Hunc postquam pugnae cupidi & uirtutis auitæ
Conuenere uiri, median rex inde cathedram
Conscendit fortis sua & agmina lumine lustrat,
Quæ bene perspectis tandem sic ora resoluit.

Aura

Saulus
Iraelitis.

Auscultate precor ualide uirtutis alumni,
 Et delecta deo quondam sanctissima proles
 Isacidum reprobus fallaci mente Philisteus
 Quas struat insidias, ipsis exosa deorum
 Consilijs gens crudelis, male perfida, fallax,
 Qui modo corrupto promissæ fœdere pacis
 Irruit, et saeuia grassatur mente superbus.
 Nunc calcata iacet peregrina falce repressa
 Tempore que fuerat nobis spes una futuro.
 Cernitis agricolas miserios, qui sedibus armis
 Pulti spem uitæ uestris posuere sub armis.
 Hostis at interea nostris nunc fulminat aruis,
 Et metit arboreos fructus, nunc pabula equorum
 Sunt segetes nostræ quondam spes maxima uitæ.
 Quis ferat hos animos tandem? quis perfida cœpta
 Sustineat? gentis quis possit facta proterua
 Ferre, uel ingrato quem fert sub pectore fastum?
 Enseruata fide nostra gens improba, nobis
 Insurgit, propriam quæ nostro munere uitam
 Sustinet, officijs tantis hæc dona rependit?
 Hæc ne ferenda uiris, domini quos sancta uoluntas
 Hos habitare locos iussit? quæ terra parentum
 Est data promissis, proprio quam sanguine partam
 Incoluere patres, Hanc nobis Barbarus hostis
 Vastat, et in molles surgit crudelibus armis.
 O gens Isacidum fortis, num robore sancto

MONOM. DAVIDIS

Gen. 14.

Quinq; simul potuit se opponere regibus Abram
Et pauidos hostes foelici fundere dextræ
An losue potuit totum cum milite fortî
Hoc uastare solum, quamuis sæui arma gygantes
Ferrent: hic ne tibi toties iam perfidus hostis
Hoc impune feret? quis nunc uirtutis auitæ
Est memor? en quæ nunc præstantia facta parentum
Tangunt? en nullum nostrorum gloria patrum
Incitat? ah tantam uestris depellite pestem
Sedibus, en patria in nostra nunc Barbara tela,
Barbarus en hostis foelicibus errat in agris.
En miseri moueant afflicta mente coloni
Nulla salus illis nisi quam uos fortibus armis
Traditis, en uestrae moueant quas foedere lecte
Iunxitis nuptæ, misere quas Barbarus hostis
Abripiet captas, nisi uestris uiribus illas
Eripitis, moueat queso uos paruula proles,
Unica que nobis nunc spes est gentis auitæ.
An uobis patriam captam uirtute potenti
Hanc tribuere patres, ut uos formidine uicti
Seruatum uestris natis & uincula dura
Limquatis miseri uestris hoc pellite terris
Omen & audacem contundite fortiter armis
Barbarum, ut à uobis discat sua regna tenere,
Nec petere externam patriam crudelibus ausis.
En ego me uobis trado, me filius huius

Hæc

Heres imperij sequitur, nos pectori fortis
 Aggrediemur eos, tantum formidine pulsati
 Discite non causam uano præbere timori.
 Nunc estote uiri, nunc uestris delitet armis
 Et decus et patriæ uirtus columenq; petitæ.

Dixit et ingenti tollens se pectoris æstu
 Desilit, et uelox crepitantia corripit arma.
 Et capiti galeam cristis fulgentibus aptat
 Perspicuum grauibus geminis auroq; micantem,
 Aurea cingebat quam splendens orbe corona,
 Fortia sed fulgens ferro sua pectora thorax
 Munit, et armillæ lucentes brachia cingunt.
 Sed femora et pulchris ocreis præstantia crura
 Includit, lateri robusto accingitur ensis.
 Læua tenet clipeum, quem nemo quamlibet ingens
 Immotum potuit manibus firmumq; tenere.
 Saul ualuit solus tantum qui robore uicit
 Isacides omnes, quantum leo uiribus acer
 Vincit qui in summis stabulantur montibus ursos.
 Hunc septena boum cingebant tergora quorum
 Ultima fulgebat argenti lamina, cuius
 Termino in extremo radiabat circulus auri,
 Lucidus ast umbo rigidi trepidanda leonis
 Ora tenens uana specie terrebat inertes.

Hic insculpta patrum uidisses prælia et omnes
 Quos patriam hanc propter casu pugnasq; tulere,

Arma
Sauli.

Scutum
Sauli.

MONOM. D A V D I S

- Littore uidisses stantem uirgaq; potenti
Mergentem uirides gelidi sub gurgitis undas
Exod. 24. Aegypti proceres ipso cum principe Mosen
Exod. 17. Hic noua percuesso manabant flumina faxo,
Num. 11. Et pia repleuit crepitantia castra coturnix.
Exod. 17. Hinc Amalech forti committit prælia dextra,
Et Moses grauidas tollens ad sydera palmas
Auxilium poscit domini. Pars altera fortem
Ostentat Iosue, qui primus Iordanis altæ
Transiuit uada, qui muros Ierichuntidos altæ
Et clamore uirum stravit sonituq; tubarum.
Hic clari querno pendentes stipite reges
Ios. 6. Insolito reprimunt ingentem pondere truncum.
Iud. 4. Illic erat Iahel muliebri & robore raptum
Malleum in aduersi librabat tempora regis.
Iud. 6. Hic sculptus Gedeon, hic forti pectore lephte,
Iud. 11. Hic ferus immodico spectandus robore Samson,
Iud. 14. Qui domat iratum dextra uictrice leonem,
Iud. 15. Vrit & hostiles coniunctis uulpibus agros.
Hic humeros tectus furibundi pelle iconis
Ore asini putris florentes milite cæso
Conspexit campos fugientia & agmina cædit.
Iud. 16. Hinc humeros magno portarum pondere pressue
Egreditur Gazan, uerum meritricis amore
Captus ab infoelix prodit cum corpore uires,
Parte alia mortis sumens feralia dona

Oca

Occubuit muris atq; hostibus obrutus ipsis.
Multaq; præterea patrum monumenta priorum
Cernere erat clipeo, quæ fulgens undiq; limbus
Aureus ambibat, picti quo sydera cœli
Fulgebant claro radiantia lumine scutum,
Pleiades, Hyades, Perseus, nimbosus Orion,
Olenium pecus, Arctophylax, Helice, Cynosura
Et gemini fratres, aries, tum cornua taurus
Exagitans fortis, rutilantis brachia cancri,
Et Nemæa fera, & molli cum uirgine libra,
Scorpius, arcitenens, aduersi cornua capri,
Et puer aurata coniunctus piscibus urna.

His furit instructus telis Cisseius Heros
Et mouet armatas acies, hunc filius acer
Jonathan insequitur sanctæ pietatis amator,
Nec minus ancipiti doctus concurrere pugna.
Et ueluti pecudes inter cum turba leonum
Irruit, eximio si forsitan robore tauri
Sunt duo qui pecoris præstantes agmina ducunt,
Corpore prægrandes, qui cornua dura mouendo
Exoptant hosti ualidas ostendere uires:
Sic patre coniunctus natus duo lumina belli
Ducunt instructas acies, atq; ordine certo
Progressi cupiunt fortem committere pugnam,
Inscia mens hominum, diuinu nescia fati,
Omnia cum proprijs manibus se uincere posse

MONOM. DAVIDIS

Autumat hei uanas ludit sententia mentes.
Sic etiam nostris ducibus longe altera stabant
A summo cceli domino sententia. Non his
Auxilium uoluit telis diuina uoluntas
Tradere, sed paruis ingentes perdere uires
Viribus, & (mirandum) pastoralibus armis.

Expeditio Israelitarum. Postquam etenim firmo gressu per florida prata
Audaces ferimur, prope cum iam castra Philisteus
Fortia sublimi fixisset uertice montis,
En depulsa metu festinans rustica pubes
Venit in occursum nobis crudelia facta
Enarrans, pecudes raptas, incendia, cædes,
Auxiliumq; rogant, solito uelocius omnes
Ingredimur cupidi scelerato milite campum
Sternere & ulcisci fratrum tristissima damna.
Mons erat excelsus quondam latebrosa ferarum
Lustra tenens, rigidi nunc belli castra futurus,
Arduus ascensu, late sed uertice campus
In summo patulus poterat fulgentia Martis
Milite complecti multo tenuiora fixa.
Hunc rari crissant frutices aptissima causa
Insidijs leuibusq; aptus concurrere pugnis.
Occupat hunc Saulus, quoniam hic hostilia castra
Spectari poterant aduerso in uertice fixa.
Vallis erat medio circundata montibus altis,
Pascua leta boum quondam, nunc commoda pugnae

Pla

Planicies misero spargenda cruore uirorum.
 Huc cupit armata acies Saul ducere, pugnae
 sumpturus specimen, quare mox ordine iusto
 Instruit ille uiros, inter quos parte finistra
 Beniamin, at dextra Iudea fortissima tribus
 Constitut, in medio Manasses, Ephraim acer,
 Et Simeon audax, Zabulonq; insignis in armis,
 Quos sequitur Ruben, præstantia at agmina claudunt
 Aser & insidijs aptus Gad, cingit at illos
 Dan animo forti præstantia robora spirans.
 Alarum turmas claudunt certare sagittis
 Qui docti fuerant ferentes eminus hostem.
 Sylvis delituit ordo contextus equestris
 Ut primum coepit am turbarent impete forti
 Pugnam è transuerso figenies ora uirorum.
 Queis ita dispositis aciem fortissimus heros
 Asada deducit dextram, sed ionathan acer
 Læuam, quos inter medius rufplendet in armis
 Saulus & audaci fert has de pectore uoces.

Instructio
aciei.

Abramides animis ualidi, nunc fortibus armis
 Has aptate manus, queis duros ante labores
 Pro patria à domino promissa sœpe tulistis.
 Non procul hostis abest, en hoc hostilia castra
 Sunt desixa loco, pellendus milite forti
 Nunc erit, aut seruum præbendum in uincula corpus,
 Nunc memores patriæ, nuptias & pignora chara

Oratio San
ti ad milites

NOMON. DAVIDIS

Volute, uictri patrios inuisere dextra
Sit nunc cura lares. Pulchrum est audere paternos
Defensare locos. Pulchrum est pugnando tenere
Promissas nostris olim maioribus urbes.
Non uos luctificæ mortis, non tristis imago
Bellorum moueat, forti quim pectoris æstu
Pergite, nunc hosti uestras ostendite uires.
Nunc animis opus est, nunc uos defendite telis.
Fingite nunc nuptas, et auos, charosq; parentes
In uestris gladijs solam retinere salutem,
Pectori adaptetis uires et pectus ad arma.

Hec ubi dicta dedit acies instructa moueri
Incipit et pressam paulatim accedere ualem.
At ueluti summis ruititus montibus ursus
Abreptis catulis per summa cacumina fertur
Murmure fabicum designans pectore iuinus
Raptorem quærens uncansq; hinc inde uagatur:
Sic animo uehemens inter prima agmina Saulus
Aestuat et magnum tacito sub corde dolorem
Contegit et saeuis contraria rumpere castra
Exoptat manibus uix alto pectore uires
Abscondens, tanta est pugnandi saeuia cupido.
At populus uanis clamoribus omnia complens
Fertur et obstrepero conturbat cuncta tumultus
Vtq; grues postquam pallentia frigora terris
Insurgunt, rauca clangentes undiq; uoce

Contra

Coniunctæ uolitant hycmis mala signa futuræ,
 Sic etiam armorum strepitus clamorq; vocatum
 Auditur nimis, gemit ipso pondere tellus
 Succubens tanto, clamor caua nubila terret.

Vtq; Notus densas extollit montibus altis
 Ingratus nebulas, siccus sic puluis in altum
 Surgit & elatus splendentia nubila scandit.

Interea castris sub Barbara turba moratur
 Non efferre pedem, patulosue errare per agros
 Cernere erat quenquam, ueluti cum scua luporum
 Inclusis pauidos stabulis uis detinet agnos
 Cuncta silent illis, non acri tibia buxo
 Insonat, immanni resonant nec timpana uoce,
 Non tuba dat signum, nusquam uexilla uolare
 Vidimus & nullo completos milite campos,
 Non erat hæc bellii facies, sed tristis imago
 Funeris, exiguo strepitant nam murmure castra,
 Ut segetes faciunt cum flamma furentibus Euris
 Surgit & incensis crepitant cum mesib; agri,
 Aut ueluti rauco montanus murmure torrens
 Fertur & oppositos truncos & robora sylue
 Sternit, saxa mouens: pauidus quæ murmura longe
 Exaudit pastor gelido cui frigore corpus
 Correptum titubat, sic tunc hostilia castra
 Incertum resonant rauco clamore uirorum.

Tunc solito citius iussit nostra agmina duci

MONOM. DAVIDIS

Saulus et ignaros hostes audacibus armis
Agredi est. Est manibus (clamat) uictoria nostris
Iam glomerare manum ad pugnam et crudelia tela
Mittere conamur, stat mens concurrere ferro,
Et rigidos armis superare potentibus hostes.
Sed primos inter Saulus fortissimus alte
Inreditur manibus clipeum atq; hastilia uibrans.

Quo ruis infelix properantes sistito gressus,
Heu caueas nimium fortis tentare Philistei
Agmina qui clausis meditatur perfida castris.
Quid iuuat? hei nimium prompti uelocibus ausis
Currimus ut sœum perdamus fortibus hostem
Armis, uincendi iam stat sententia certa.
Et nunc quisq; suo confirmat pectora fratri
Consilio et monitis, iam bello imponre finem
Speramus nimis ab in nostra pericula prompti.

Iamq; propinqua nimis fuerant hostilia castra,
Et sua quisq; parans manibus crudelibus arma
Mente minas gelidæ mortis uel vulnera sœua
Concipit hostili cupiens se sanguine tingi.
Cum subito resonant inimicis cornua castris,
Horrida uesano reboabant timpana bombo,
Et tuba terribili sonitu Taratantara clamat,
Tollitur armorum strepitus, consurgit in altum
Aera distento dimissus gutture clamor
Et uelut emisi collisis nubibus ignes

Hors

Horrendo crepitum metuenda tonitrua reddunt,
 Talis in immensum strepitus clamorq; uirorum
 Exurgens quatit excelsi uaga nubila cœli.
 Utq; solent timidae dame ceruiq; fugaces
 Montibus in summis subito cum cornua ratica
 Venantum resonant, inceptos sistere gressus,
 Attonitiq; sonis arrectis auribus astant:
 Sic subitus nostras clamor cum perculit aures
 Terruit exanimes, timidis uox faucibus hæsit,
 Diriguere come, gelido formidine membra
 Obstupuere uiris, nec quid faciamus inertes
 Nouimus, an coepio conductat pergere cursu,
 Aut retinere gradus, multi formidine capti
 Diffugiunt, sylvas uirides latebrosaq; querunt
 Saxa, iubet coepios gressus Cisseius heros
 Sistere & euentus belli spectare futuros.

Ecce uir immanis uasta se corporis alti
 Mole ferox tollit, quo nil monstrosum unquam
 Terra tulit, dubites hominum rapidumne ferarum
 Attribuis numero, senos nam corpore longo
 Vincebat cubitos, stant alto uertice uultus
 Sanguinei, humana iam tunc quoq; cæde madentes.
 Hei mihi quis terror pallentia concutit ossa
 Cum recolo faciem, cum seui luminis orbes
 Cernere me credo, fluidos cum sanguine rictus
 Mente agito, atq; pares cum tanto corpore uires.

Golix de
scriptio.

MONOM. DAVIDIS

Heu mihi quantus erat, quam saeuo lumine nostra:
Agmina lustrabat, ueluti cum torua leonis
Lumina uoluuntur, paruo qui uulnere laesus
Respicit authorem facti, micat igneus olli
Ex oculis furor, ingentes sed pectore uires
Concipit & longe irritat se uerbere caude:
Sic stabat dirus crudeli luminis orbe
Enachides Golias monstrum telluris opacæ,
Aerea sublimi fulgebat uertice cassis
Auricomis splendens cristi, sed pectora thorax
Contegit, & corpus loricæ cura trilicis
Aenea defendit, quinq; illam pondus habere
Millia sicutorum dicunt (hinc collige uires)
Crura tegunt ocreæ, clipeum sed laea tenebat.

Scutum
Goliæ.

Huic erat insculptū quicquid gens impia & atrox
Assolet in Diuos mendaci fingere lingua.
Ilic uidisses immani mole gigantes
Montibus extrectis alios superaddere montes
Ut possint summum cœlo turbare tonantem.
Iuppiter in summo consistens culmine cœli
Fortia pallenti librabat fulmina dextra
Anguipedum metuens horremia coepit gigantum,
Mox tamen exanimi correptus membra timore
Fulmine projecto cœlestia regna relinquit,
Suntq; fugæ comites alij quos summus Olympus
Cominet, hos sequitur pedibus uelocibus usus

Quem

Quem genuit tellus nomenq; Typhoëa fecit.

Hic quoq; mutato potuisse corpore tectos

Cernere cœlicolas cæca formidine captos,

Iuppiter hic aries, coruus fit Delius ater,

Fele Diana latet, capro Semeleia proles,

Pisce Venus, foedum Cillenius induit ibim,

Et rixosa capit niueam Saturnia uaccam.

Parte alia summi scansuram culmina coeli

Aedificant homines primi furialibus ausis

Excelsam turrim, potuisse cernere multos

Quos opus oblectat tantum, stans aureus illis

Princeps demonstrat mores legesq; laboris.

Hic humeris portat lapides, hic moenia condit,

Hic calidam sterili calcem commiscet arena.

Talia multa tulit summi contemptor Olympi

Artificum studijs clipeo depicta rotundo.

Magna gigantea uibratur lancea dextra,

Lancea, quam nemo quantumvis viribus ingens

Sustentare manu poterat nam nauibus altis

Arbor erat quondam uelis satis apta ferendis.

Ante illum tali dignus seruire magistro

Armiger infelix ibat, nos corde trementi

Pallentes stetimus mirati turpia monstra.

Ipse etiam Saulus monstrorum corporis alti

Contemplans habitum dubia formidine captus

Quid faciat querit, subito cum uoce tremenda

Gne. 11.

Solitæ
oratio.

M O N O M . D A V I D I S

Incipit Enachides: Quæ uos dementia uexat
Ah miseri Isacidae: quod uos fatumue Deus ue
Impulit ut nostras uelletis uincere uires?
An uos nulla mei contingit cura metusue?
An uobis longæ uenerunt tædia uitæ?
Ecce Gethæus ego ualido superare lacerto
Conabor uestras acies, quis uiribus audet
Concertare meis? quod si quem regia Sauli
Continet, en tentet finem certaminis huius,
Quod si uictus ero (quod non uel Iuppiter ipse
Supremus posset) uobis seruire Philisteus
Promptus erit: Sed si (quod certum est) uictor abibo
Serui eritis nostri. Lex hæc certaminis esto,

Dixit et immanni uibrans hastile lacerto
Terruit instructas acies, nunc lumina torquet
Flammea, nunc galeam concusso uertice uibrat,
Sicut aper rapidis canibus conclusus in orbem
Denib[us] infrendit, nec quem laedatue sinatue
Nouit, at igne mucant oculi, uomit ore patenti
Candentem spumam: Golias sic impius altum
Frendit et insano commotus pectoris æstu
Quem petat ignorat, uel quis se opponere tanto
Audeat expectat; nobis sed corda timore
Algifico trepidant, multi quos terruit ingens
Ista uiri moles fugiunt in proxima sylva
Quæ modo saevarum fuerant caua lustra ferarum,

ipse

Ipse metu dubius princeps quid agatue sinatuē
 Nescit, & ingenti turbatur pectora cura,
 Non etenim tanto posset quem opponere monstro
 Novit, & haud uellet belli fortissima fulcra
 Tradere ut insontes caderent crudelibus armis.
 Sepe animus suadet dubiae certamina pugnæ
 Suscipere & forti dextra superare Gethæum,
 Hoc iubet ipse pudor, prohibet sed cura pericli
 Quæ mentem terret cupidam concurrere ferro.
 Ipse etiam natus perchari stulta parentis
 Consilia obturbat precibus, ne uiribus impar
 Hostiles in se tentet committere uires.

Utq; diu stetimus, rursus sic farier alta
 Voce gigas coepit: Quid sic hei statis inertes
 Isacidæ saui, num uos mea robora terrent?
 Vester ubi nunc est uestræ fidutia gentis
 Saulus, qui tanti regni moderatur habenas?
 O utinam detur certare potentibus armis,
 Cerneret hic dignas in tanto corpore uires,
 En ubi nunc uester quem uos iactare soletis?
 Est Deus? an dubia nostri formidine captus
 Delitet? aut curis fessus iugiq; labore
 Dormit? quin tandem forti defendit ab hoste?

Dixit, & admisso cursu ad nostra agmina tendit.
 Forte giganteo torquens hastile lacerto.
 Diffugiunt omnes & proxima culmina montis

Fuga Israe-
litarum.

MONOM. DAVIDIS

Conscendunt celeres: sequitur sed uiribus acer
Immanis Golias extrema atq; agmina cædit,
Vulnerat hos telo saxisq; molaribus illos.
Utq; solet fieri præceps cum monte niuoso
Venator capreas sequitur, uelocibus ille
Effugium pedibus pendentes rupibus altis,
Hic uero insequitur, semperq; ut proxima quæq; est
Figit, & indigna disperdit cæde fugaces:
Haud aliter campos fugientum sanguine spargit
Altigradus Golias, pedibusq; cadauera calcans
Currit, & immitis semper sibi proxima sternit.

Ut uero ad summi uenere cacumina momis
Colligit afflictas acies Cisseius Heros
Consiliumq; capit quo poscit robore monstrum
Perdere terrificum, uel quis certaminis huius
Sustineat leges. Pudet ab tam turpiter omnes
Effugisse uiros, unius militis arinis
Attonitos, cuperet tamum depellere castris
Dedecus & laudem regni reparare priorem.
Omnibus è castris miles iam queritur unus
Qui uelit & poscit dirum superare gigantem.
Splendida ponuntur uictori præmia, Regis
Filia, quæ tamum præcellit munere uultus
Quantum alias stellas radiamia cornua Lunæ,
Connubio hanc stabili promittit iungere, si quis
Horrida pugnacis deuincat tela Gelhæ.

Di-

Divitias addit regali coniuge dignas,
Multaq; præterea pulchri monumenta laboris.
Munera magna quidem sunt hæc quæ dantur, at huius
Non est qui cupiat consors certaminis esse.
Sæpe aliquis uoluit laudis permotus honore
Horrida bellaci tentare pericula dextra,
Sæpe aliquis uoluit, quem ditia munera tangunt
Aut amor infaustus natæ, certamine duro
Concertare uiro, sed uix conspectus ab illo
Si fuerat, timido correptus membra tremore
Effugit, & trepidans armis animisq; remissis
Nondum copta sibi timidus certamina linquit.

Interea exultans animo nimiumq; superbus
Impius hostis adest quoties sol aureus orbem
Illustrat roseum, quoties uel fine diei
Occidua intrat radijs fulgentibus undas,
Et petit ancipitis cupidus certamina pugnæ.

Iamq; quater deno fulgebat Lucifer ortu
Et toties umbris humenibus omnia sparsit
Nox tristis, nec tum fuerat qui audacibus armis
A patria sœuam uellet depellere cladem.
Castra tenet luctus, ueluti cum mœnibus altis
Ignea græssatur pestis, quam numen Olympi
Misit ut humani castiget pectoris æstus,
Hæc furit incertum, nunc hunc nunc abripit illum
Alt. iq; tabiffo marcescunt mœnia luctu.

MONOM. DAVIDIS

Haud aliter misero complentur castra dolore
Et metuunt omnes fossas ne forte per altas
Irruat armipotens iniunctamente Philisteus.

MONOMACHIAS DAVIDIS ET GOLIAE Liber Secundus.



I C ubi nos nimium Golias perterruit
ingens,

Nec quisquam poterat tanto certare
Giganti,

Consilium Saulus quærit num uiribus illum

Coniunctis reprimat, iubet illud causa pericli,

, Sed pudor atq; hosti semper quoq; firma tenenda

, Sancta fides prohibet, nostræq; infamia genitis.

Sæpe duces aliij suadent ut milite iuncto
Opprimat hunc, fidei nec (clamant) esse tenenda
Iura uiro, qui non fidei pia numina curet.

Et quoties nutat nitido sol aureus axe,

Saul toties belli fortunam querere tentans

Conuocat imperij proceres, & noctis opacæ

Tempora consilijs nil proficienibus illi

Consumunt, alio nam stat sententia fati.

Sæpe quidem credunt sese inuenisse medelam

Et